

1 Tezalonaaika

Tezalonaaika mwaalyaraavina Poli pikariyikwia sinnawinya' yavikaryakesi.

Anga Tezalonaaika mwaalyaihi,

¹ Polinyi Saailaazalyi Timotilyi pikariyikwia da' yavikariwa. Kiraazitiyarĩ limwange'neihi kusilaanyaviyaihirina yavikariwa. Gotiyai Nimwarĩ wĩlamwaaidivĩ' Naanga Jizaazai Kiraazitiyarĩ wĩlamwaaidivĩsaihirina yavikariwesi.

Gotiyai yange'na tewaanna yihigaimwagana! Gotiyare kwaamu'nanyabwi yihwarana!

Tezalonaaika mwaalyara Jizaazare yagaalya' dīraginna limwagesa'nesi.

² Yuyagaa' Gotiyari widadaanyagaa' "Su! Tezalonaaika mwaalyara gimireraavina yilaaya gimarivanigo," widadaanyi. Nabaai, yuyagaa' sariminyina Gotiyari widadaanyi. ³ Sareina nemire Gotiyai Nimwarĩ widadaa "Kiraazitiyarĩ sara limwadivisa'na tewaanyabwi sara yivanigava. Giminyi yilaaya yadaapiji a'mweraavina kale wiadaa'nyiya'na tewaanya miraaiki'manigava. 'Naangei Jizaazai Kiraazitiyai walaabathelyi,' dadivĩ' yemwaaidivĩ' dīraginna daa'manigava. Su! Su!" Gotiyari sara widadaanyi. ⁴ Sare' neya'mweihi nayaa dara yawi'mwo. "Gotiyari Tezalonaaika

mwaalyaraavina kale wiadelyi. Nabaai sahwaravina 'Ninnyarera,' dah+lak+wakelyi," sara yawi'mwo.

⁵ Sare'na Gotiyare yagaala tewaanya' yihithonegaa' yaasiwa' yagaalya'na mi'. Aawa. Kurya Tewaanyai diraginaangei diraginyainaavi kanemwaaiha' diragina kyihitho "Yagaala nebulya yihithivanigo," sarimi Kiraazitiyar+ limwage'. Sagaa' sarimi dara yawire', "Widasaabadera nemiji mwaaleva tewaanna negaimwamaniga'. Sarera neminyina neyivanigasare." ⁶ Sareina yadaawoji sarimi avaaaina yage'. Nabaai, Naangei yakabaaibi' sarimi avaaaina yage'. Sarimi Gotiyare yagaalya' maaresa'na kayaa'nanaanga yihye'. Sare' kiri' sarinnya munyikaavi Kurya Tewaanyai wilyihimwaaidisi gaminyina yilaaya yadivi' yagaala sa' maaresaihiyi. ⁷ Sarevidaa'nyi tewaanna yadivi' Kwaaka Maazathoniya mwaalyaraji Kwaaka Giriza mwaalyaraji Kiraazitiyareraavi sarimi tewaanna dara wijiwaainesal "O, Kiraazitiyareina sana sana yaanneina daaka!" ⁸ Sare' dare'nesi. Naangere yagaala widadaapiji sarimireba Maazathoniya yagaala sa' diwina yaka Kwaaka Giriza diwina. Gavebanyaaaina diwiya'ne'na mi'. Aawa. Sariminyina a'mwera kadika wi'neta yuyaba dara wi'nesasi. "Tezalonaaika mwaalyara Kiraazitiyar+ diragina limwamanigasare." Sara deva savina nemi yagaala pin+ wija'ne wawinya' mwari'. ⁹ Sare' dare'nesi. Kumi sara neminyi nedivaniga' "Sarimi Tezalonaaika mwaalyaraavi angyiri'maata kye' tewaanna

yihima'mwa'daa'. Yihima'mwa'daasara kumire kulaka ge gengiji kwaasigotiyaraaviji yagalya'maveva Gotiyari midimwa'daa'. 'Gotiya Nebulyari widayaadelyi yuyagaa' gaala mwaaidei. ¹⁰ Sigunyavidaasi Gotiyare Gawaali' walaabathe'na yemwalaana!' sara dadi'vi' Gotiyari midimwa'daa'. Gotiyare Gawaali' Jizaazalyi. Sai kabala' Gotiyai yidikaava'. Yidikaavakei 'Divi Gotiyai sahwaravina similika nuladika!' daka padaihasamaara.'" Yuyara sara nedivaniga'.

2

Anga Tezalonaaika Poli'yake'nesi.

¹ Sare' dare'nesi. Neyamweihi, sawaihi dara yawi'mwaa' "Neminyawinna Widasaabadera Apozeliyara angyiri'maata beva yagaala diraginya kanede' dinona 'Yagaala kune' mi'. Nemi midinaana!' " ² Nabaai dara yawi'mwaa' "Anga Pilipai a'mwera Apozeliyaraavi kayaa'na yeva birala wiesarera." Sagaa' daanga kanevina' kiri' sariminyawinna bona nemire Gotiyai diraginya nemwaaihakeina lika myi yona Gotiyare yagaala tewaanya' yihitho. Pwara nede' "Sabwi mujiwaakipina! Mala nayihiramaadika!" Sa'na yawirona kiri' lika myona diraginna yihitho. ³ Sare' dare'nesi. Sareina yawita kayaa'nanya' malimwagyadaa girikita'nanyabwi myadaa kwaasi myihizadaa Gotiyarina yihiziwaako. ⁴ Nemi kayaa'na myo. Aawa. Gotiyai dina "Sahwaravii yaamiji mi'na a'mwe sara nimire

wawinya' tewaanna yipi'de'nanyi," dakabaai*bi*' gamire yagaalya' damaarya'neina nemwaa*ih*!. Sare'na damaryadaa myawiri "A'mweraavi yilaaya wigalaana!" Aawa. "Gotiyai nemire simunya wangaderi yilaaya wigalaana!" dadaa wijiwakadaanyaine. ⁵ Sare' dare'nesi. Sariminyawinna wabwiwayagaalyasi mabyo. Yuyagaa' wabwiwayagaala myihizo. Sara yawi'mwaava. Sarimire gilyivisa maarya'na kwaasi yihithoina mi'. Wabarinnya' lika yulyarya'na yihithoina mi'. Sare' Gotiyai jalikurakivanikelyi. ⁶ Nabaai, majina "Tezalonaaika mwaalyara yawipika! 'Widasaabadera byaannakera.' A'mwe pwaraji sara yawipika!" sara maji yona yihitho. Nemi Kiraazitiyare Nedasaabadeinaavina "A'mwe naangere," wija' tewaanyasi Naangereinaavine'na. ⁷ Sara mwaaihoina kiri' sariminyawi mwaalona nayaa kave yihyo. Kuvinaange' gannya kaimiraayang'i maremwaaidevaai*bi*' nayaa kave yihyo. ⁸ Sariminyina yilaaya sara nevu'nade'na Gotiyare yagaala tewaanya' yihitho. Sare' gave'na mi'. Aawa. Sariminyina tewaanya nevu'nade'na dara do. Tezalonaaika mwaalyaraavi wigaimwagaaza'na balaade'nanyi. ⁹ Sare' dare'nesi. Neya'mweihi, nemi yawi'na "Tezalonaaika mwaalyaraavire wapaaya saza nagainadika! Aane pwai kwari taanga nujavaadika! Neminyine wapaaya sazanne nigwianna wawinya yaana!" Sara yawi'na yona Gotiyare yagaala tewaanya' yihithadaawoji tinna dara wanganesa' "O,

Widasaabadera, Apozeliyara wawinya naanga m+raagiki'manigasara daaka! Sawisagaa' yirikegaa' yivanigasara daaka!”

¹⁰ Sarimi' tinna nengadiv+' Gotiyalyi' dara jalikurake' “Neminyina Widasaabadera tewaanyabwi yadivi' yida'maraangebwi nayaa yadivi' yiwetawakyabwi myivanigasarera.”

¹¹ Sareina kyo yi, ganimaanga pwai gannya kaim+raayang'i nayaa yadevaaibi' nemi sarimijiya gazarizari nayaa yihyo'na yawi'mwaa'. Sarimire simunya tewaanna yihivaimwagana sarimire kuryara diraginna mwaalya'na yihithadaa diraginna dara yihizal+kurako.

¹² Gotiyai yawi'na “Sahwaraavi' maremwaalideinyi,” yawi'na yaka sariminyi yihizivwaramarakelyi. “Ninnya byaannyaviji nawi'nyaba maremwaaidinyaviji wimwaaih+ma!” Gotiyai sara yihithah+lakaker+na sarimi' nayaa jamarila! Diraginna sara yihitho.

¹³ Sare' darevinyi. Sinnawi sagaa' Gotiyare yagaala kyihitho newi'neva myawirina “Yagaala a'mweraav+nesi.” Aawa. Yagaala sa' sarimi' maarina yeva yawi'na “Gotiyare yagaala nebulyasi.” Sara deva Gotiyare yagaala nebulya' warike'na sarimire simunyangi Gotiyai diraginna yihiz+waakivani' Kiraa+zitiyari limwadiv+saihi. Sara yesa'na yilaaya yona yuyagaa' Gotiyari' widadaanyi. Su! Su! ¹⁴ Sare' dare'nesi. Neya'mweihi, Kwaaka Juthiya mwaalyara Gotiyare kusilaanyangiyaraav+ne mid+div+saihi y+ma'ne'. Yi sahwaraavi' kayaa'na yetabaabi' pwara kayaa'na sara yihyesaih+lyi.

Juyara kumireba Kiraazitiya Jizaazareraavi kayaa'na yetabaaibi' sarimire kwaakevi mwaaidivisara kayaa'na yihyesaihilyi. ¹⁵ Juya sahwaru Gotiyari wi'nawijiwakyaasara piropetiyaaraavi tamakeva Naanga Jizaazari tamakeva nabaai neminyi neramaase'. Sare'na kumirebwi Gotiyai tinna wanganaka yilaaya mya'. Yi a'mwe yuyaraavine yikamaangere. ¹⁶ Sahwara yawi'na "Ajimya yuyangiyaraavi Apozeliyara nudipidika! Gotiyai Maaveraavi navadaihasamaaradika!" deva nede' "Diraginna yihithiwo 'Yagaala sa' muji jideihilyi. Nayihiramaadika!' " Sara yadivi' a'mwe yuyaraavina yikamaangera yima'nesare. Sarera kunnya kayaa'nanya yune'na yesarera. Kiri' sareraavina Gotiyari yune'na sinna tika wida'mwakerera.

*Polii Tezalonaaika mwaalyaraavi
angyiri'maata'na yawirake'nesi.*

¹⁷ Neya'mweihi, nemi yihyagalya'mavona maalikegaa' sarimiji mamwaalyo'na sigiraayarabisaina yima'noinera. Nemi maavewi mwaidaa kiri' nemire simunya sariminyaba yuyagaa' wari'. "Sahwaraavi tinna wanganana!" dona savina nevu'nada diraginna yaamiji yaamiji yo. Maavewi mwaaihasa'na kale neyada ¹⁸ sariminyina byiri'maasa'na diraginna yaamiji yaamiji yoine. Nabaai, sarevina Polinyi gazagaasagaa' "Tezalonaaikana wima!" dena yaamiji kyo Saataani kaanya nerihidaa'nyii sariminyi myihwanganyiwu. ¹⁹ Sare' dare'nesi. Divi

Naanga Jizaazai walaabathehaa' gaminyawî daavîna yadaa nemî yîlaaya berî'na yaadevaka? Be yagaalya' widaathevaka? Naangerî yemwaaimanîgohaa' yîlaaya aaihwar-avaavîne'na yîvanîgona? Sarîmînyînanyîra. ²⁰ Yo, sare' dare'nesî. Gaminyawî sarîmî daavîna yadaapîjî nemî yîlaaya yaade'nanyî. Nabaai, “Nemî sara kyo dahaa' dava mwaaiha',” yawîrawaajî byaannakeina yîma'naadeihîlyî.

3

¹ Sarevîdaa'nyî sarîmînyîna yawî'daa dîna “Pîzî'gwa mamwalaanna!” dîna yona naarîmî yîlaaya'na dîna “Anga Aathenzî gaveinaai mwaalaka!” ² Dîna yola sarîmînyawîna Timotirî wîdasaabîna. Sahwai Kîraazîtiyareî neya'mwei mwaalaka Gotîyarî wîdaayadeî Kîraazîtiyare yagaala tewaanyavîne avaaiwawînyalyî. “Tezalonaaika mwaalyara Kîraazîtiyarî lîmwadîvî' kumîre kuryara nayaa mwaai'bî'de'najî jîvaimwade'najî duzîwaakya!” wîdasaabîna yoi. ³ “ ‘A'mwera kayaa'na kyîhyapîjî nyagalya'mapîdîka! Gotîyare dîragînya' nayaa dîlîmwagyîla! duzîwaakya!” wîdasaabîna yolyainaalyî. Sare' dare'nesî. Sarîmî dara yawî'mwaasa' “Kayaa'na kaneyapîjî nemî ‘Wikîra,’ daaza'na Gotîyai nedahîlakakeî daaka!” ⁴ Sare' dare'nesî. Sinnawî sarîmînyawî mwaalongaa' dara yîhîtho, “Naangerîna pvara kayaa'na neyîpî'de'nanyî.” Sara kyîhîtho sara kayaa'na yîhyîwaasa' sarîmî yawî'mwaa'. ⁵ Kayaa'na yîhyîwaasavî nîmî dîna “Pîzî'gwa sara mamwaaimuna!” dîna yena Timotirî

widasaabina. “Tezalonaaika mwaalyara Gotiyare yagaalya' nayaa dalimwamanigava?” dina. “Yaamiji yadei Saataani sahwaravi yaamiji yada kwaasi kudiwa' kayaa'na yipija'na daaka? Nemire wawinya yaasiwa'wawinya nyima'nadika!” dena widasiwaabe.

⁶ Dahaasagaa' sariminyawidaa'nyi Timoti neminyawinna baka sariminyina yagaala tewaanya' makabina. “Sahwara Naangeri nayaa limwadivi' pwaraavina kale wiadere,” makabina yiwa'. Nabaai nedewa' “Nemi byiri'maaro'na yawi'divi' neminyina yilaaya kuna yivaniga'. Nemi diraginna yawi'na ‘Tezalonaaika mwaalyaraavi tinna wanganaana! diraginna yawi'manigovaabi' sahwara diraginna yawi'maniga' ‘Apozeliyaraavi tinna wanganaana!’ ” Sara nedewa'. ⁷ Sare' darevinyi. Dava a'mwera kayaa'na kaneye' taanga neyivanikesi. Taanga neyadaasi kiri' neya'mweihi, sarimi Naangeri nayaa limwamanigasa'na yivaimwannadaa mwaaiho. ⁸ Naangeri sarimi diraginna wlamwaaibiza'na nemi diraginna mwaaiho'nanyi. ⁹ Sare' dare'nesi. Sariminyina kadika sara wi'nona nemire Gotiyari yilaaya naanga yivanigo. Sariminyina yilaaya naanga yivanigo'na “Su! Su! Yilaaya naanga naanga gimarivanigo,” Gotiyari diraginna widadaanyaine. ¹⁰ Sawisavi yirikevi diraginna widadaa “Tewaanyaraavi tinna wanganya'na sawinna dinemakwona! Nemi tinna dara wanganaade' ‘O, Naangeri limwadivisabwi maalina yivanigasabwi daaka!’

Sara dawaaji yavada'galya'na d̄inematikwona!"
Sara wīdadaanyainera.

¹¹ Gotiyai Nen̄maangei gamī salī nem̄ire
Naanga Jizaazalyī sar̄im̄inyaw̄inna kaanya
basamakwika! Sar̄im̄inyaw̄inna nemakwika!
¹² Naangei diragīnna yīhīgaimwagozī sar̄im̄ire
sīmunyangī yunebanna kale'ne sabwī diragīnna
wakana! Sara kyojī sar̄im̄inyīna nem̄inyī
kale naanga neyīvan̄ikabaaibī' sar̄im̄inyī
Kiraaz̄itiyare pwaraav̄inajī a'mwe pwaraav̄inajī
kale naanga yīhyana! Nabaai, naangave'na
kale kuna yīhyana! ¹³ Sara yojī sar̄im̄ire
sīmunya diragīnna wak̄ina kyojī dīvi Naangei
Jizaazai gannya tewaanyarajī walaabathehaa'
Gotiyai Nen̄maangeryaba sar̄imī nayaa daav̄ina
jideih̄ilyī. Sara kyojī yīwetawakya maayaihi
tewaanaangeihi nayaa daav̄ina jideih̄ilyī.

4

A'mwere mwaalyabwina Gotiyai
"Naw̄i'nyabulyī," dake'nesī.

¹ Neya'mweihi, sarevīdaa'nyī yagaala
pīnī diragīnna yīhīthaana! Nem̄ī Naanga
Jizaazar̄ī wīlamwaalona kīwīnya diragīnna
yīhīthīvan̄igo. Sinnaw̄ī sagaa' dara yīhīzīwaako.
Sara mwaalap̄ijī sana yadīvī' Gotiyarī yīlaaya
wigaibī'delyī. Sara yīhīzīwaakobaaibī' sara
yīvan̄iga'. Sara yīvan̄igasaihi naanga sana
sana j̄ila! ² Sare' dare'nesī. Naanga Jizaazai
kanejīwaaka' yīhīthonna sar̄imī yaw̄i'mwaa'.
³ Sare' dare'nesī. Gotiyare sīmunyabwī dara
yaw̄i'manī' "Gimī nīm̄ireigī tewaanyaigī

dīmwaala! Ata līmwangebwi minna!” ⁴ Sara yawirapiji gazaigizaigi ginnya balaangevi tewaanna dīmaaka! Yawita tewaanyaj+yaigi kwala dīmaaka! “Nīmire a'mwe kwala maake mwaalika naw+nya' gave dasi mwaalīma!” da'gizi dīmaaka! ⁵ Ajīmya yuyang+yara Gotiyari myawiryara dika widadaa'nyiyara yaalivina maa'div+tabaai+ kwala maaaa'dinna! ⁶ Tewaanyabwi mamarasi'ninna! Ja'mwerevi kuka maaaa'dinna! Sabwina sinnaw+jalikurakya' naanga yihitho. Sabura pwara kyapiji Naangei wirivik+radelyi. ⁷ Sare' dare'nesi. Gotiyai myawiri “Sahwara ata līmwangebwi yip+ka!” myawiryā'. Aawa. “Sahwara nīmīrera tewaanyara nayaa mwaai+ka!” yawiraka neji+vwaramaarakelyi. ⁸ Sasarevidaa'nyi pwai yagaala da' marasi'najai a'mweraavire yagaalya' mamarasi'nyivanī'. Aawa. Gotiyare yagaalya' marasi'nivanī'. Gotiyai sahwai gannya Tewaanyai Kuryari yanga nejaavan+kerevi yagaalya' marasi'nivanī+kelyi.

⁹ Kale wia'nebwina Gotiyai sahwaihirī yihiziwaaka! “Saigi ja'mwerina kale gyana!” Sara kyihiziwaaka' sare'na nīmī myavikariwina! ¹⁰ Sare' dare'nesi. Sarīmireba Kwaaka Maazathoniya yuneba srya'mweraavi yuyaraavina kale yihyivanī'. Sareihirī diraginna yihithivanigo. Gazaigizaigi kale naanga naanga gyana! ¹¹ Diraginna dara jawika! “Nīmī kave mwaalīma! Nīmire wawinya' kuna maremwaalīma! Pwaraavire wawinya' kuna mamaremwaaimuna! Widaasadera diraginna nyidetabaai+ ninnya asasi aawawinya yīma!”

12 “Pwara Kiraazitiyarine mwasawinyaraavina wijiwaainya'na kaanya nayaa yamarima! Nabaai aane piri' kirivina nanyigainadika!” da'gizi ginnya asasi ja! Sara jawi'deiginyi.

Naangei walaabozineyidikaavade'nesi.

13 Neya'mweihini, nemi simunyavi yawi'na “Kiraazitiyarera sidu'maayara namwaaibithika! Kiraazitiyare pwara baimwa'daasaraavina wijiwakaana! Naangeri mu'nyadivisara divi Naangei baryaraavi yidikaasa'na myemwaalyadivisaraavi kunnya baryaraavina kale wiadevaajib' Kiraazitiyareraavi kale nyadika!” Yawi'na yona sare' yavikarivanigo.

14 Sare' dare'nesi. Nemi dara limwadaanyi. Jizaazai balaka ayina dikaavakelyira. “Nebulyasi,” dovidaa'nyi dara dina “A'mwera Jizaazar' limwadivi' bainikeraaviji Jizaazariji Gotiyai makwalaabathere!” 15 Sare' dare'nesi.

Naangei kanejiwaaka' yagaala sa' diraginna dara yihithivanigo. Naangei walaabathehaa' nemi kwaihwaainakeina mwalaajaina baryara wa'dapiri myagalya'mayi yawaaji sinnawi myilaawi yaadeine. Arikawi. Baryara dikaavapiji sinnawi yilaawipi'derera.

16 Sare'na Naanga sahwai Sigunyavidaa'nyi waidaavada jaka naanga danganadelyi “Jikabyila!” Sagaa' ejeliya naangei jaka kudozi Gotiyare gware' makuradesira. Naangei jaka naanga kadanganaji sinnawi Kiraazitiyarera baryara dikaapi'dere. 17 Nabaai, nemi kwaihwaainakeina mwalaadeinaji saharaji

sinaavi yarai nemakilaawadeinera. Sigunyavi

nemi Naangeri wijiimaata'na yiraayangĩ nemakilaawadeinera. Sara kyoji yuyagaa' Naangeryaba mwalaade'nanyi. ¹⁸ Sare'na pwaihiyiyari gamire baryarina kale wiadaa'nyi wigaimwange'na yagaala da' kave duzila!

5

Naangei walaabathe'na yemwaalya'nesi.

¹ Neya'mweihi, sariminyi myavikaryaanna! “Sagaa' yima'nadehaaki. Sana yima'nadengi.” Sara yawisaburina mihihainyawa'. ² Sare' dare'nesi. Sahwaihi mena dara yawi'mwaa' “Sawisavi kukeibisai Naangei yarai walaabathehaa' yima'nadehaaki.” ³ Pwara yawi'na “Dahaa' naryagaa' kwaamu'nanyagaa' tewaanyagaakira.” Yawi'na yapiji navika mwaalapjiyagaa' kayaaka yarai wigaladerera. Yarai wigalade'na a'mwe sara likaanya mwiyi yipi'dererera. Arikawi. Mudangegaa' a'mwe' daanga yarai wividevaai' a'mwe saraavi kayaaka yarai wigaladerera. ⁴ Sa'na kiri' neya'mweihi, sagaa' yima'nadehaa' sarim+ maryaanga myip+neihilyi. Jihinyaw+ mamwaalyigasa'na sidu'nakeihi maryaanga myi jideihilyi. Kukei bada a'mweraavi maryaanga bivalakadevaai' sagaa' sidu'nakeihiri maryaanga myihyanneihilyi. ⁵ Sare' dare'nesi. Sarim+ Baakeihi Yirikeviyahilyi. Sarim+ Naangeregaasaihilyi. Nemi jihinnyaviyaina mi!. Nemi sawisaviyaina mi!. ⁶ Sarevidaa'nyi pwarabi' se wakatabaai' naraadika! Aawa. Tina nayaa baihanaraana! Simunya nayaa

yawiraana! ⁷ Sare' dare'nesi. A'mwera se wa'divisara sawisagaa' se wakasare. A'mwera biyaaya nadi'vi' yimaka widivisara sawisavi yimaka widivisagaaki. ⁸ Sare' nemi Naangeregasaina mwaaihovina simunya nayaa yawiraana! Sareina Romiyara aawilasara saabya yividivi' mwaaihi'nya diraginya mwaaihi'nadivi' malyagaa' tewaanna mwaaidivisarabisaina mwalaadeinera. Nemi saabya' Gotiyari limwadaanyabulyi. Nabaai, a'mweraavina kale wiadevulyi. Sahirisira. Nemi mwaaihi'nya diraginya' nemi diraginna yawi'na "Gotiyai nevadaihasamaaradelyi," yawi'na yadaa yemwaiho. ⁹ Gotiyai maji "Saraavi maanga widima! Mala wirama!" maji yaka newakakelyi. Aawa. Gotiyai dina "Sahwaraavire Naanga Jizaazai Kiraazitiyai padaihasamaaraderera," dina yaka sabwi nejaavake'nanyi. ¹⁰ Kiraazitiya sahwai nemi'nyina balakelyi. Gotiyai nemi'nyina yawi'na "Sagaa' walaabathehaa' Kiraazitiyare pwara baihana'divisaraji kwaihwainakeraji Kiraazitiyare pwara se baidivisaraji Kiraazitiyalyi mwaai'ka!" kada' bala'. ¹¹ Sarevina gazaigizaigi yawita nawi'nya sa ja'mweri diraginna jivaimwana! Kiraazitiyareri diraginyari divada'galayvaimwana! Dahaa' yivaniginyabaaib' sara kuna ja!

Yagaala aayannes

¹² Neyamweih, kiwinya diraginna yihithanganaana! Naangei sarimijiyaraavi dahilaka' "Nimireraavi nayaa dimaremwaala!"

Sara kadahilaka' sahwara yihiziwaakadivi' sarimire simunya yavada'gaidivisare. Sahwara sariminyawi Naangere wawinya yadivisa'na nayaa dara jawika! "A'mwe naangere. Nemi nayaa widaana!" ¹³ Wawinya yadivisa' yawira'gizi kuminyina yilaaya yadi dimaryawika! "Sahwara nemaremwaaidivisa' tewaanyasi." Sareigi Naangereraavina avaaizimunya'na dimwaala!

¹⁴ Neya'mweihi, kiwinya naanga yihithaana! Sarimijiyara wawinya myadivisaraavi duziwaakya! "Yaasiwa'na namwaaidika! Wawinya ja!" Pwaraavire kuryara diraginya maayara lika yadivisaraavire kurya diraginyara dumwaaihya! Pwara simunya diraginna myawiryadivisaraavi wigaimwange'na nayaa dimaremwaala! Yuyaraavi kave ja! Nayaa duthana! ¹⁵ Da' jawika! Pwai sarimijiyari kayaa'na kyoji minya maaaranna! Minya maaa'dinna! Aawa. Sa' diraginna jawika! Tewaanyaburi dimidina! Kiraazitiyareraavi tewaanna ja! Yuyaraavi tewaanna ja!

¹⁶ Gazagaasagaa' yilaaya ja! ¹⁷ Yuyagaa' Gotiyari duthana! ¹⁸ Pwara kayaa'na gyipijahaa' pwara tewaanna gyipijahaa' yi yuyangi "Su! Su!" Gotiyari duthana! Sare' dare'nesi. Sasareiginyi Kiraazitiyai Jizaazai gannya diraginya' kagizaavoji Gotiyai simunya sara gyawi'da'nyi "Nimirera nayaa yipika!" gimisana sana ja!

¹⁹ Kurya Tewaanyari myigaa'mwadinna!
²⁰ Sare' Kuryai kudozi a'mwera Gotiyare yagaala

kagizi'waakapiji yaasi'wa'na “Waryaanyasi,” madinna! ²¹ Aawa. Yuyangi kadika wi'na'gizi' nayaa di'maryawibwaka! “Tewaanyasi,” da'gizi' dilimwagaka! ²² “Kayaa'nanya gazasa!,” da'gizi' dasi'nana!

²³ Gotiyai gami sai kwaamu'nanyabwi kininnakei gamireihi tewaanyaihi yuneba yihimwaaihana! Sarimire kuryaraavi sarimire simunyangi sarimire kilaakejikaavi nayaa maremwaalana! Yuyagaa' sara maremwaaida nemire Naangei Jizaazai Kiraazitiyai walaabathehaa' dara wanganade “Ya, nawi'nyarera. Yiwetawakya maayarera.”

²⁴ Sare' Gotiyai yihithahilakivanikei gazagaasagaa' tewaanyabwi yadei sana yihimwaaihadelyi.

²⁵ Neya'mweihi, neminyina Gotiyari' duzila!

²⁶ Kiraazitiyarera neya'mwera yuyaraavi yilaaya yadivi' neminyine'na maangwidaayilaaya jinyila!

²⁷ Naangere diraginya'na naanna yihithima! Pikariyikwia da' neya'mwera yuyaraavi duzila!

²⁸ Yuyagaa' nemire Naanga Jizaazai Kiraazitiyai yange'na tewaanna yihigaimwagana! Gannya diraginya' yanga yihizaavana!

Poli

**Yipma Genesis and New Testament
Genesis and The New Testament in the Yipma/Baruya
language
Buk Stat na Nupela Testamen long tokples Yipma long
Niugini**

copyright © 1993, 1994 Wycliffe Bible Translators, Inc.

Language: Yipma (Baruya)

Translation by: Wycliffe Bible Translators

Video recording © The Jesus Film, a project of Cru.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 3 Mar 2023 from source files dated 9 Oct 2020

ef60f748-49e3-5ee0-8e6d-a25b74b7a93c